

Aralin 20 Kalikasang Nakatutulong sa Lahat

Si Barnabas

Si Barnabas ay isang Levite na taga-Cyprus. Ang kahulugan ng kanyang pangalan ay "Anak ng matulongin."


Ipinagbili ni Barnabas ang kanyang bukid. Ang pinagbilhan nito ay ibinigay niya sa mga Apostol, upang maipamahagi pa sa mga nangangailangang kapwa nila



mananampalataya at magamit rin sa pagtulong sa iba pang tao. Dahil sa kagandahang loob na ipinakita ni Barnabas, ang bawat mananampalataya ay nagkaisa sa puso't isip para sa lahat ng bagay. Ang lahat ng

kanilang ari-arian ay itinuring nilang para sa lahat. Dahil dito hindi sila pinabayaan ng Diyos at lahat sila'y pinagpala. Wala isa man sa kanila ang naghirap sapagkat sila'y nagtutulongan lalo na sa oras ng pangangailangan.

Activity Kulayan ang mga baryang may nakasulat na mga salita na nabanggit sa ating kuwento .



Homework: (Magpatulong sa Magulang)

Sumulat ng isang maikling salaysay na ang pamagat ay "Bakit kailangan kong magtanim"

LAMBAT

PRIMARY 3

Aralin 1 Ang Kapahayagan ng Diyos

Ezra

Si Ezra ay isang pari at escriba na mula sa lahi ni Aaron. Siya ay tagapag-alay ng mga handog sa Diyos para sa bansang Israel. At siya ay taga-copya ng mga kautusang ibinigay ng Diyos kay Moses. Kaya si Ezra ay bihasa sa kautusan ng Diyos at ito ay kanyang pinamumuhay. Ibinuhos niya ang kanyang panahon upang ituro ang mga batas ng Diyos sa Israel patungkol sa mga alituntunin at kahatulan.

Nagkaroon ng pagkakataon sa buhay ni Ezra na magamit siya ng Panginoon na muling pangaralan ang mga Israelita sa kanilang pagsuway sa mga kautusan ng Diyos. Hindi naging madali ang ginawa ni Ezra ngunit dahil ang Diyos ang gumagabay sa kanya, maraming Israelita ang nakinig at sumunod sa kanya.

Maging si Haring Artaxerxes ay pinagkakaloob ang mga kahilingan ni Ezra sapagkat nakita niya na ang Diyos ang gumagabay sa kanya. Mayroon ding pagkakataon na sinabi ng hari sa isa sa kanyang mga utusan na lahat ng taga-ingat yaman sa Kanyang nasasakupan ay ipagkakaloob ang anumang kakailanganin ni Ezra at ito ay gagawin nila ng may kasipagan.

Ang mapagpalang kamay ng Diyos ay na kay Ezra sapagkat naging maimpluwensya siyang nilalang hindi lang sa bayan ng Diyos kundi maging sa iba pang nasyon.

Activity Sagutin ang mga tanong.

1. Sino si Ezra?
2. Sino ang hari nang panahong iyon?
3. Saan nanggaling sina Ezra at ang mga Israelita?
4. Saan sila patungo?
5. Sino ang naging gabay ng mga Israelita sa kanilang paglalakbay?

Homework: (Magpatulong sa Magulang)

Magkwento ng isang pangyayari na kung saan ikaw ay may nagawang kabutihan at ikaw ay ginantimpalaan.

Aralin 2 Ang Katapangang Mula sa Diyos

Si Zerubbabel

Si Zerubbabel, na gobernador ng Judah, ay nagbalik sa Jerusalem at Judah nang siya ay mapalaya mula sa pagkaalipin sa Babylon. Kasama niya sila Joshua, na punong saserdote, ang iba pang mga saserdote at mga Israelita sa pagbabalik sa kanilang bayan.



Itinayo muli ni Zerubbabel ang altar ng Diyos sa tulong ng mga saserdote at mga Israelita upang sila ay makapaghandog sa Diyos. Nabalitaan ng mga kaaway ng mga Israelita na muling itatayo ang Templo ng Diyos kaya sila ay nagpunta kay Zerubbabel at nagsabing: *Tutulungan namin kayo sa pagtatayo ng templo para makapaghandog din kami sa inyong Diyos.*

Sumagot si Zerubbabel: *Hindi kayo dapat magkaroon ng bahagi sa pagtatayo ng templo ng aming Diyos.*

Kaya naman ang mga kaaway nila ay hindi tumigil at patuloy na gumawa ng paraan upang masira ang loob nila Zerubbabel at ng kanyang mga kasama. Kaya't sina Zerubbabel ay nagpasyang maglagay ng mga bantay sa bawat paligid ng kanilang itinatayong templo.

Ang Diyos na makapangyarihan sa lahat ang gumabay sa kanila, pinalakas ang kanilang loob at sinabi kay Zerubbabel na — *Huwag kang matatakot dahil Ako ay sasainyo at hindi kayo matatalo ng lakas at kapangyarihan ng inyong mga kaaway.* Sinabi ng Diyos na si Zerubbabel na naglatag ng pundasyon ng templo ay siya ring tatapos nito.

Activity Sagutin ang mga sumusunod na tanong.

1. Sino si Zerubbabel? Si Joshua?
2. Ano ang inilagay ng mga Israelita sa paligid ng templo para hindi sila lusubin ng mga kaaway?
3. Sino ang gumagabay sa mga Israelita?
4. Ano ang pangako ng Diyos kay Zerubbabel?

Homework: Naranasan mo na bang matakot? Isulat sa isang malinis na papel ang iyong kuwento. Ano ang ginawa mo upang mawala ang takot na naramdaman mo.

Aralin 19 Kalikasang Napapakinabangan!

Si Zacchaeus

Pagpasok ni Jesus sa Jerico, nabalitaan ito ni Zacchaeus na mayamang pinuno ng mga tax collector. Gusto niyang makita at makilala si Jesus. Si Zacchaeus ay maliit na tao at napakaraming tao sa daraanan ni Jesus. Siya ay umakyat sa Sycamore tree. Nang nasa tapat na ng puno si Jesus, Siya ay tumingala at sinabing: *Zacchaeus, bumaba ka agad. Kailangan kong tumigil sa inyong bahay ngayon.* Nagmamadali at tuwang-tuwang tinanggap ni Zacchaeus si Jesus sa kanyang tahanan.

Nakita ito ng lahat, kaya nagbulong-bulungan ang mga ito....

Bystander 1: *Nakikituloy siya sa bahay ng makasalanang?*

Bystander 2: *Oo nga!*

Narinig ito ni Zacchaeus, bigla siyang tumayo at sinabi:

Zacchaeus: *Panginoon, ngayon din po ay ibibigay ko sa mga mahihirap ang kalahati ng aking kayamanan. At ibabalik ko po ng apat na ulit ang halaga sa sinumang dinaya ko!*

Jesus: *Dumating ngayon sa bahay na ito ang kaligtasan, pagkat anak din ni Abraham ang taong ito. Sapagkat naparito ang Anak ng Tao upang hanapin at ilitas ang mga nawala.*

Activity Kulayan ng yellow ang pangalan ni Zacchaeus kung siya ang tinutukoy sa mga pangungusap at green naman kung hindi.

- Gusto niyang makita si Jesus, ngunit napakaliit niya.
ZACCHAEUS MALIIT NA TAO
- Siya ang nakituloy sa bahay ni Zacchaeus.
JESUS SYCAMORE
- Ibinigay niya ang kalahati ng kanyang kayamanan sa mga dukha at ibinalik ng apat na ulit sa mga tao ang dinaya niyang mga bagay sa kanila.
ZACCHAEUS TAX COLLECTOR

Homework: Sa isang malinis na papel mag-drawing ng isang garden ng mga gulay, kulayan ito.

Aralin 18 Ang Diyos ang may Kontrol sa Kalikasan

Si Paul

Si Paul ay isang mangangaral ng mabuting balita tungkol kay Jesus sa iba't-ibang lugar. Siya ay nabilanggo rin dahil dito. Si Paul, kasama ang iba pang mga bilanggo, ay dinala sa Italy. Hindi maganda ang panahon noon kaya sinabi ni Paul:

Paul: *Kapitan! hindi tayo dapat tumuloy sa paglalayag dahil masama ang sasapitin ng ating barko sa bagyo at manganganib ang ating mga buhay!*

Ngunit hindi siya pinakinggan ng kapitan ng mga bilanggo. Nang sila ay nasa dagat na, humampas ang napakalakas na hangin. Wala silang magawa kundi magpatangay nalang sa bagyo. Inihulog nila sa dagat ang kanilang mga kagamitan.

Matagal nilang hindi nakita ang araw at mga bituin. Halos mawalan na sila ng pag-asa at dahil sa kabalisahan ay hindi makakain.

Nagpakita ang Angel ng Panginoon kay Paul.

Angel: *Huwag kang matakot. Dahil sa iyo walang isa mang mamamatay sa inyo.*

Ang mga tauhan sa barko ay nagtangka nang tumakas. Sinabi ni Paul sa lahat,

Paul: *Huwag na kayong mabalisa! Kumain kayo upang magkaroon kayo ng lakas at makaligtas.*

Dumampot si Paul ng tinapay at nagpasalamat sa Diyos at kumain. Lumakas ang loob ng lahat at sila'y kumain rin.

Dahil sa lakas ng alon, nasira ang harapan ng kanilang barko at sumadsad ito sa may bundok ng buhangin. Tinangkang patayin ng mga kawal ang mga bilanggo upang hindi sila makatakas. Hindi ito pinahintulutan ng kapitan. Bagkos, pinalon niya ang marurunong lumangoy at ang iba'y pinagamit ng tabla upang makaligtas. Natupad ang sinabi ng Panginoon kay Paul na wala ni isa man sa kanila ang mamamatay.

Activity Sagutin ang mga tanong:

1. Sino si Paul?
2. Ano ang nangyari kay Paul at sa mga bilanggo ng sila ay maglayag patungong Italy?
3. Ano ang sinabi ng Angel kay Paul?

Homework: Isulat sa space ang mga bagay na sa palagay mong may kontrol ang Diyos?

Aralin 3 Ang Kahusayang Mula sa Diyos

Nehemiah

Si Nehemiah, na isa sa mga propeta ng Diyos, ay naiyak sa ibinalita ng kanyang kapatid na si Hanani patungkol sa masamang kalagayan ng mga pader at gate ng kanilang bayan.

Siya ay nanalangin sa Diyos ng ilang araw. Humingi siya ng kapatawaran sa kanyang kasalanan at sa mga kasalanan ng mga Israelita. Hiniling niya sa Diyos na pakinggan ang kanyang mga panalangin. Nang dalhan ni Nehemiah si Haring Artaxerxes ng alak, napansin ng hari ang malungkot niyang mukha. Sinabi ni Nehemiah ang dahilan nang tanungin siya ng hari. Kaya humingi siya ng permiso sa hari na maitayo muli ang mga pader ng Jerusalem. Humingi din siya ng sulat para sa mga pinuno ng mga lugar na daraanan niya upang siya'y makapaglakbay ng maayos at sulat para sa tagapangasiwa ng kagubatan ng hari para sa mga kahoy na kanyang kakailanganin. Ang mapagpalang kamay ng Diyos ay na kay Nehemiah sapagkat ibinigay ng hari ang lahat ng kanyang kahilingan.

Pagdating ni Nehemiah sa Jerusalem, kinausap niya ang mga Israelita. Ipinaliwanag niya ang kanyang hangarin. Nakiisa agad ang mga Israelita sa kanya at sila ay nagtulong-tulong sa pagsasaayos ng mga pader at gate ng Jerusalem. Kahit na may mga tagalabas na nanggugulo sa mga Israelita, hindi nagtagumpay ang mga taong ito sapagkat patuloy na nanalangin si Nehemiah sa Diyos.

Natapos ang pagtatayo ng gate at mga pader sa paligid ng Jerusalem sa loob ng limampu't dalawang araw dahil sa tulong ng Diyos. Ang mga Israelita ay nagdiwang at nagsaya.

Activity Sagutin ang mga tanong.

1. Sino si Nehemiah? P ___ P ___ T A
2. Sino ang naghatid ng masamang balita kay Nehemiah?
H ___ N ___ N ___
3. Ano ang masamang balita kay Nehemiah?
B ___ G S ___ K ang G ___ T ___ at B ___ K ___ D
4. Sino ang nagbigay ng karunungan kay Nehemiah?
D ___ O ___

Homework: (Magpatulong sa Magulang)

Magkuwento ka ng isang pagkakataon sa iyong buhay na naging mayabang ka. Ano ang naging bunga nito?

Aralin 4 Ang Kabanalang Mula sa Diyos

John the Baptist

Si John the Baptist ay nangangaral sa mga Judio sa disyerto ng Judea. Si John ang taong tinutukoy sa Lumang Tipan na magpapahayag sa mga Judio upang ihanda ang daan sa pagdating ni Jesus.

Ang mga Judio na nagmula sa Jerusalem, Judea at palibot ng Jordan ay pumupunta kay John upang ipahayag ang kanilang mga kasalanan. Sila ay binautismuhan ni John bilang tanda ng kanilang tunay na pagsisisi.

Dumating din ang tamang panahon nang bautismuhan ni John ang Panginoong Jesus sa Jordan River.

Si Herod na hari nang mga panahong iyon ay takot kay John. Laging pinaaalalahanan ni John si Herod tungkol sa pakikisama niya kay Herodias, na asawa ng kanyang kapatid, dahil ito ay labag sa batas. Si Herodias ay nagtanim ng galit kay John kaya ninais niyang patayin ito ngunit hindi niya magawa. Nang magdiwang ng kaarawan si Herod, sumayaw ang anak na babae ni Herodias. Lubos na nasiyahan si Herod kaya sinabi niya sa kanyang anak na maaari siyang humiling ng kahit na anong bagay at ito ay kanyang makakamtan.

Kaya dumating ang pagkakataon ni Herodias na gumanti dahil ipinahiling niya sa anak ang ulo ni John. Nang marinig ni Herod ang kahilingan ng anak na pugutan ang isang matuwid at banal na tao. Wala nang magawa si Herod kundi ipatupad ito. Si John the baptist ay pinugutan ng ulo.

Activity Ilagay sa space ang shape na nakatapat sa mga pangalan na nasa ibaba kung siya ang tinutukoy sa tanong.

○ - John the Baptist ◇ - Herod

□ - Herodias ⊕ - Jesus

1. Siya ang tinutukoy sa Lumang Tipan na magpapahayag sa mga Hudyo upang ihanda ang daan sa pagdating ni Jesus.

1. Siya ang dahilan kaya pinugutan ng ulo si John the Baptist.

3. Siya ay binautismuhan ni John sa Jordan river. _____

4. Naniniwala siya na matuwid at banal na tao si John.

Aralin 17 Laging handa ang anak ng Diyos

Si Philip

Sinabi ng Angel ng Panginoon kay Philip na pumunta siya sa daang patungong Timog papunta sa lugar ng Gaza. Lumakad nga si Philip at nasalubong niya sa daan ang isang Eunuch na taga-Eutopia. Siya ay patungong Jerusalem upang sumamba.

Lapitan mo ang karwaheng iyon at sabayan mo, ang sabi ng Espiritu kay Philip. Patakbong nilapitan ito ni Philip at narinig niyang nagbabasa ang Eunuch mula sa aklat ni Propeta Isaiah.

Philip: Nauunawaan niyo po ba ang inyong binabasa?

Eunuch: Paano ko mauunawaan ito? Maliban na lang kung may magpapaliwanag nito para sa akin.

Inanyayahan ng Eunuch si Philip na sumakay at maupo sa tabi niya. Binasa ng Eunuch ang isang bahagi ng kasulatan "tulad ng tupang dinala sa patayan, at tulad ng korderong walang imik sa harap ng manggugupit, gayon hindi Siya nagbuka ng Kanyang bibig, hinamak Siya at pinagkaitan ng katarungan. Sinong makakapagsabi ng Kanyang angkan? Sapagkat kinitil ang Kanyang buhay sa ibabaw ng lupa."

Eunuch: Sino ba ang tinutukoy ng propeta dito, ang kanya bang sarili o ang ibang tao?

Mula sa binasa ng Eunuch, ipinahayag ni Philip ang magandang balita tungkol kay Jesus. Habang naglalakbay sila:

Eunuch: Narito ang tubig, bakit hindi mo pa ako bautismuhan?

Pinahinto ng Eunuch ang karwahe, bumaba sila at lumusong sa tubig. At pag-ahon nila, kinuha ng Espiritu ng Diyos si Philip at hindi na siya nakita ulit ng Eunuch. Galak na galak ang Eunuch na nagpatuloy sa kanyang paglalakbay.

Si Philip ay natagpuang naglalakbay sa Azotus, nangangaral ng ebanghelyo sa bawat bayan hanggang Ceasaria.

Activity Salungguhitan ng blue ang pangungusap kung tama at brown naman kung mali.

1. Sumunod si Philip sa Angel ng Diyos nang sabihan siya nitong magpunta sa isang lugar sa Jerusalem.

2. Ipinahayag ni Philip ang mabuting balita tungkol kay Jesus.

3. Sa putik binautismuhan ni Philip ang Eunuch.

4. Nanampalataya ang Eunuch na si Jesus ay Anak ng Diyos.

Homework: Mayroon ka na bang tinulungan na isa sa iyong kaibigan o kaklase sa pagbabasa? Ano ang iyong ginawa?

Aralin 16 Pag-ibig ang susi ng lahat

Lazarus (Abraham's bosom)

May isang lalaking mayaman na laging nagdaramit ng mamahalin at saganang-sagana sa lahat ng bagay. Sa kanyang pintuan naman nakalupasay ang isang pulubi na ang pangalan ay Lazarus. Tadtad ng sugat ang buo niyang katawan. Naghahangad siya ng pagkain kahit na ang mga tira-tira lang na nahuhulog sa lamesa ng mayamang lalaki. Doo'y nilalapitan siya ng mga aso ng mayamang lalaki at dinidilaan ang kanyang mga sugat.

Namatay si Lazarus at dinala siya ng mga Anghel sa piling ni Abraham. Namatay rin ang mayamang lalaki at siya'y inilibing. Sa gitna ng kanyang pagdurusa sa impiyerno, tumingala ang mayaman at kanyang natanaw sa malayo si Abraham, kapiling si Lazarus. Kaya't siya'y sumigaw:

Mayaman: *Amang Abraham, maawa kayo sa akin. Utusan niyo po si Lazarus na ilubog sa tubig ang kanyang daliri at palamigin ang aking dila sapagkat nahihirapan na ako sa apoy na ito.*

Abraham: *Anak, alalahanin mong nakuha mo ang magagandang bagay sa lupa nang nabubuhay ka pa, samantalang si Lazarus ay puro kahirapan. Si Lazarus ay inaaliw ngayon at ikaw naman ay nagdurusa. At saka may isang bangin sa pagitan natin kaya hindi pwedeng pumunta dito ang nariyan at di pwedeng makapunta riyang ang narito.*

Mayaman: *Kung ganon, papuntahin niyo nalang po si Lazarus sa bahay ng aking ama upang mabalaan ang lima ko pang kapatid na lalaki. Ayaw kong mapunta rin sila sa lugar na ito ng paghihirap.*

Abraham: *Nasa kanila ang sulat ni Moses at ang mga Propeta, doon sila makinig.*

Mayaman: *Kung makakakita sila ng namatay na pupunta sa kanila, magsisisi sila.*

Abraham: *Kung hindi sila maniniwala sa mga propeta at sa sulat ni Moses, hindi rin sila makikinig kahit na ang isang patay ay muling mabuhay.*

Activity Isulat ng iyong limang natutunan sa dalawang lalaki sa ating kuwento.

Homework: (Magpatulong sa Magulang)

Isulat sa isang malinis na papel kung paano ka makakatulong sa mga kababayan natin na mahihirap.

Homework: (Magpatulong sa Magulang)

Isulat sa malinis na papel kung sino si Jesus sa buhay mo. Maghandang ibahagi ito sa klase.

Aralin 5 Ang Pagtitiwalang Galing sa Diyos

Si Mary

Isinugo ng Diyos si Angel Gabriel upang maghatid ng mensahe sa isang dalagang taga Nazareth na nagngangalang Mary.

Nagsalita ang anghel kay Mary at sinabing:

Angel Gabriel: *Magalak ka! Ikaw ay lubos na kinalugdan ng Diyos! Ikaw ay maglilihi at manganganak ng isang sanggol na lalaki at Siya'y papangalanan mong Jesus.*

Mary: *Paano pong mangyayari ito?*

Angel Gabriel: *Sasaiyo ang Banal na Espiritu. Ito ay mangyayari dahil sa kapangyarihan ng Kataas-taasang Diyos. Ang batang iyong ipapanganak ay banal at tatawaging Anak ng Diyos. Hindi ba ang iyong kamag-anak na si Elizabeth ay baog? Siya ngayon ay nasa ika-anim na buwan na ng kanyang pagdadalangtao sapagkat walang anumang bagay ang hindi kayang gawin ng Diyos.*

Mary: *Alipin ako ng Panginoon, mangyari nawa sa akin ang ayon sa iyong sinabi.*

Activity Pagtapatin ng linya ang mga salitang tumutukoy sa kaliwang hanay.

- | | |
|----------------------|-----------------------------------|
| 1. Angel Gabriel | - Diyos |
| 2. Banal na Espiritu | - Dalaga |
| 3. Mary | - kamag-anak ni Mary |
| 4. Elizabeth | - Angel ng Diyos |
| | - Pinili ng Diyos na magdalangtao |

Homework: (Magpatulong sa Magulang)

Isulat sa malinis na papel ang iyong mga ginagawa upang maging kalugod-lugod ka sa Diyos.

Aralin 6 Ang Pagtitiwalang Nagbubunga ng Pagsunod

Si Joseph

Si Joseph ay nakatakdang ikasal kay Mary, na pinili ng Diyos na magsilang ng sanggol na tatawaging Jesus. Si Joseph ay isang matuwid na tao kaya nang malaman niyang si Mary ay nagdadalang-tao, naisip niyang lihim na hiwalayan ang kasintahan upang hindi ito mapahiya.

Joseph huwag kang matakot na pakasalan si Mary, sapagkat mula sa Espiritu Santo ang kanyang ipapanganak. Lalaki ang magiging anak mo at papangalanan mo siyang Jesus.

Pinag-isipang mabuti ni Joseph ang kanyang balak. Siya ay kinausap ng Angel ng Diyos sa kanyang panaginip, Nang magising si Joseph, sinunod niya ang sinabi sa kanya ng angel.

Tinanggap niya si Mary bilang kanyang asawa. Hindi sila nagsiping hanggang maipanganak si Jesus sa Bethlehem. Muling kinausap ng Angel ng Diyos si Joseph at inutusan siyang dalhin ang kanyang mag-anak sa Egypt at manatili muna doon.

Nang namatay na si Herod, kinausap muli ng Angel si Joseph at inutusang bumalik na sa Israel sapagkat hindi na nanganganib ang buhay ng kanyang anak. Ngunit sila ay nanirahan sa Nazareth sapagkat takot siya sa haring pumalit kay Herod.

Activity Isulat sa isang malinis na papel ang iyong paglalarawan sa mga tauhan na sina JOSEPH, MARY at ANGHEL.

Homework: (Magpatulong sa Magulang)

Ikaw ba ay sumusunod sa mga iniutos sa iyo dahil may



Aralin 15 Sabihin ang mabuting balita

Mary Magdalene

Ang ilang Saserdote ay nagpunta kay Pontius Pilate dahil naalala nila ang sinabi ni Jesus na Siya ay muling mabubuhay pagkaraan ng tatlong araw. Sinabi nila kay Pilate na pabantayan nito nang mabuti ang libingan ni Jesus sapagkat baka kunin ng mga alagad ang katawan ni Jesus at sabihin sa mga tao na si Jesus ay nabuhay nga muli. Kaya pinalagyan ng bantay ang libingan ni Jesus.

Madaling araw ng lunes, nagpunta si Mary Magdalene at ang isa pang Mary sa libingan ni Jesus. Biglang nagkaroon ng malakas na lindol pagdating nila sa libingan. Bumaba mula sa langit ang isang Anghel ng Panginoon at pinagulong ang takip ng libingan ni Jesus saka naupo sa ibabaw ng malaking bato. Ang kanyang mukha ay nakakasilaw na tulad ng kidlat at kasimputi ng busilak ang kanyang damit. Nanginig sa takot ang mga bantay at bumulagta na parang patay.

Ipinakita sa kanila ng Anghel ang loob ng libingan ni Jesus na wala nang laman. Inutusan sila ng anghel na ibalita ito sa mga alagad ni Jesus at makikita nila si Jesus sa lugar ng Galilee. Umalis agad sina Mary Magdalene.

Magkahalong takot at galak ang kanilang naramdaman. Ngunit habang sila ay nasa daan at nagmamadaling puntahan ang mga alagad, sinalubong sila ni Jesus at binati. Agad nilang nilapitan si Jesus, at niyakap ang kanyang mga paa. Sinabi ni Jesus "Huwag kayong matakot! Sabihin mo sa aking mga kapatid na lalaki na magpunta sila sa Galilee at makikita nila ako roon." Sumunod agad sina Mary Magdalene sa sinabi ni Jesus.

Activity Palitan ng tamang sagot ang mga salitang may salungguhit.

1. Ang mga Alagad ang nagsabi na lagyan ng bantay ang libingan ni Jesus.
2. Bumaba si Mary Magdalene mula sa langit at binuksan ang libingan ni Jesus.
3. Ibinalita ng Angel ng Panginoon sa mga alagad ang muling pagkabuhay ni Jesus.

Homework: Ipakita sa pamamagitan ng pag-drawing kung paano ka dapat magbalita ng mabuti, tama at totoo. Magpatulong sa magulang.

Aralin 14 Ang Diyos na Hindi Mapaghusga

Pontius Pilate

Si Pontius Pilate ay gobernador ng Judea. Ihinarap sa kanya ng mga saserdote at matatanda ng bayan si Jesus, upang pahatulan sa kanya.

Pontius Pilate: *Ikaw ba ang hari ng mga Judio?*

Jesus: *Ikaw na nga ang nagsabi.*

Mga Tao: *Isa kang sinungaling!! Nilalapastangan mo ang Diyos!"*

Pista noon ng Paskuwa, at tuwing pista, nakaugalian na ng gobernador na magpalaya ng bilanggo, batay sa kung sino ang gustong palayain ng mga tao.

Pontius Pilate: *Sino ang gusto ninyong palayain ko, si Barabbas o si Jesus na tinatawag ninyong Cristo?*

Hindi nagsalita ang mga tao kaya muli siyang umupo sa kanyang trono. Ang asawa ni Pilate ay nagpadala ng mensahe sa kanya. Sinasabi dito na huwag makialam si Pilate sa pagpaparusa sa isang taong walang kasalanan sapagkat siya ay nakaranas ng pagdurusa nang buong araw na iyon dahil sa isang panaginip tungkol kay Jesus.

Binuyo ng mga saserdote at matatanda ng bayan ang mga tao upang isigaw na palayain si Barabbas. Minsan pa silang tinanong ni Pontius Pilate kung sino ang gusto nilang palayain:

Mga Tao: *Palayain si Barabbas!*

Pontius Pilate: *Ano ang gagawin kay Jesus na tinatawag ninyong Cristo? Ano ba ang kasalanan ng taong ito?*

Mga Tao: *Ipako sa krus!!!*

Naghugas ng kamay si Pontius Pilate at sinabi sa mga tao:

Pontius Pilate: *Wala akong kinalaman sa inosenteng taong ito. Ito ay inyong responsibilidad.*

Kaya ipinahagupit niya si Jesus at ibinigay sa mga sundalo upang ipako sa krus. Si Barabbas ay kanyang pinalaya.

Activity Sagutin ang sumusunod na tanong:

1. Ano ang katungkulan ni Pontius Pilate?
2. Ano ang pangalan ng bilanggong pinalaya kapalit ni Jesus?
3. Sino ang dinakip at dinala sa gobernador at ipinako sa Krus?
4. Sino-sino ang nagsulsul sa mga tao upang ipapatay si Jesus?

Homework: Ano ang iyong reaksyon kapag pinaparatangan ka ng hindi totoo? Inaaway mo ba ang taong nagsabi noon? Tumatahimik ka na lang ba? Ipinagtatangol mo ba ang iyong sarili? Isulat sa papel. Humingi ng tulong sa magulang.

Aralin 7 Magpursigi sa Pagsunod

12 Apostles

Si Jesus ay naglalakad sa may tabing dagat ng Galilee. Nakita Niya ang magkapatid na Simon at Andrew. Naghuhulog sila noon ng lambat sa dagat sapagkat sila'y mangingisda. Tinawag sila ni Jesus. Sumunod agad ang magkapatid kay Jesus.

Mula doon ay nakita Niya sina James at John. Sila ay nasa bangka kasama ang kanilang amang si Zebedee na naghahanda na ng kanilang lambat. Tinawag sila ni Jesus. Iniwan nila agad ang kanilang lambat at ang kanilang ama at sila ay sumunod kay Jesus.

Ang mga sumunod na tinawag ni Jesus ay sina Philip, Bartholomew, Matthew na tax collector, Thomas, James na anak ni Alphaeus, Simon the Zealot, Thaddaeus at Judas Iscariot, na nagtraydor sa Panginoong Jesus. Lahat silang tinawag ni Jesus ay sumunod sa Kanya.

Saan man magpunta si Jesus ay sumusunod sa Kanya ang 12 disipulo. Napagmasdan nila ang lahat ng mga himala na ginawa ni Jesus katulad ng pagpapalayas ng masasamang espiritu, magpagaling ng may sakit at mangaral ng salita ni Cristo. Binalaan sila ni Jesus na sila ay makakaranas ng pagtatakwil, pagkakanulo, pisikal na pananakit at pag-uusig. Ngunit pinaalala rin Niya sa kanila na hindi sila dapat mabalisa o matakot. Sa kabila ng mga babala ni Jesus sa Kanyang mga disipulo, naging masigasig sila sa pagsunod sa lahat ng sinabi ni Jesus.

Activity Isulat sa loob ng bawat Rectangle kung sino ang tinutukoy sa 12 Apostles.

1. Sila ang unang magkapatid na tinawag ni Jesus. _____
2. Sila ang mga anak ni Zebedee. _____
3. Ang sumunod na dalawang alagad na tinawag ni Jesus. _____
4. Tax collector? sino ang mga anak ni Alphaeus? _____
5. The Zealot? at ang huling dalawang alagad na tinawag? _____

Homework: Kabisaduhin ang Gabay na Kaalaman. Maghanda sa pagbabahagi sa susunod na pag-aaral.

Gabay na Kaalaman

Ang mga tupa Ko'y nakikinig sa Aking tinig; nakikilala Ko sila at sila'y sumusunod sa Akin. John 10:27

Aralin 8 Ang Mapagpatawad na Diyos

Si Peter

Si Peter ay isang mangingisda. Isang araw, habang inaayos niya ang kanyang lambat nakita siya ni Jesus,

Jesus: Sumunod ka sa akin.

Iniwang agad ni Peter ang kanyang lambat at sumunod kay Jesus.

Isang gabi, ang Panginoong Jesus kasama sina Peter at ang labing isang disipulo, ay nagwika ng ganito:

Jesus: Sa gabing ito kayong lahat ay lalayo sa akin at iiwan ako.

Nang biglang nagsalita si Peter

Peter: Panginoon, siguro iiwan ka nila, pero ako hindi kita iiwan kailanman.

Jesus: Peter sinasabi ko sa 'yo, bago tumilaok ang manok sa gabing ito, tatlong beses mong sasabihin sa mga tao na hindi mo ako kilala!

Matigas na sinabi nina Peter at ng mga alagad na hindi nila iiwan si Jesus. Isinama sila ni Jesus sa bundok ng Getsemane upang Siya'y manalangin. Maya-maya pa ay dinakip na si Jesus.

Sumunod nang palihim si Peter upang makita kung saan dadalhin si Jesus. Ngunit may nakakilala sa kanya.... Tatlong beses niyang ipinagkaila si Jesus at pagkatapos ay tumilaok ang manok. Naalala ni Peter ang sinabi ni Jesus. Umalis siya sa lugar na iyon at lubos siyang tumangis dahil sa kanyang ginawa.

Activity Ilagay ang tamang sagot sa loob patlang.

1. Siya ang tumawag kay Peter. _____
2. _____ ang hanapbuhay ni Peter.
3. Sila ang nagsabing hindi nila iiwan si Jesus. _____
4. Ipinagkaila ni Peter si Jesus ng _____ beses.
5. _____ si Peter sa kaniyang ginawa.

Homework: (Magpatulong sa Magulang)

Isulat sa isang papel ang mga bagay na iyong binibigyan ng panahon. At bakit ito ay binibigyan mo ng panahon.

Aralin 13 Ang Diyos ang kakampi natin

King Herod

Si Herod ang hari nang panahong isilang si Jesus sa Bethlehem Judea. Minsan may dumating sa kanilang lugar na mga Pantas na taga-silangan. Pinagtanong nila kung saan ipinanganak ang hari ng mga Judio?

Nais nilang pumunta doon upang sambahin Siya. Nalaman ito ni Haring Herod, kaya siya at ang buong Jerusalem ay natakot. Ipinatawag niya ang mga saserdote at mga eskriba upang magtanong kung saan ipa-nganganak si Cristo. Sinabi nilang sa Bethlehem, kaya palihim na nakipagkita si Haring Herod sa mga pantas at sinabing:

Herod: Sige, hanapin ninyong maigi ang bata at kapag nakita na ninyo siya, sabihin ninyo sa akin upang ako ay makasamba din sa Kanya.

Nakita nga ng mga pantas ang bagong silang na si Jesus. Binalaan sila sa kanilang panaginip na huwag nang babalik kay Herod kaya sila ay dumaan sa ibang ruta pauwi sa kanilang bansa.

Napag-alaman ni Herod na siya ay napaglalangan ng mga pantas kaya naglabas siya ng utos.

Ngunit hindi siya nagwagi sa kanyang masamang balak sapagkat nakaalis na si Joseph kasama ang kanyang mag-inang si Maria at si Jesus patungong Egypt.

Activity Lagyan ng (MP) ang loob ng parenthesis kung ang mga pantas sa kuwento ang tinutukoy, at (KH) kung si King Herod naman ang tinutukoy.

1. () Ang mga naghahanap sa sanggol na si Jesus.
2. () Ang natakot na Hari sa pagsilang ng Cristo.
3. () Ang gustong magpapatay sa sanggol na si Jesus.
4. () Ang mga sumunod sa babala ng Angel ng Diyos.
5. () Ang nagpapatay sa mga sanggol na may edad dalawa pababa sa Jerusalem.

Homework: Paano mo ipinapakita na ikaw ay tunay na nakikinig sa iyong magulang upang hindi mapahamak.

Aralin 12 Ang Salita ng Diyos ay Katotohanan

Nicodemus

Si Nicodemus ay isang Judio na may mataas na posisyon sa gobyerno. Isang gabi, pinuntahan niya ang Panginoong Jesus.

Sabi niya sa Panginoon, "Alam ko na Ikaw ay isang guro na nagmula sa Diyos dahil walang makagagawa ng mga milagro na ginagawa mo kung wala ang Diyos sa iyo."

Sinagot siya ni Jesus at sinabing, "Katotohanan ang sinasabi Ko, walang tao na makakakita ng kaharian ng Diyos hanggat hindi siya ipinapanganak na muli."

"Paano mangyayari 'yun kung matanda na siya? Hindi naman siya puwedeng pumasok sa tiyan ng kanyang nanay." Ito ang pagtatakang tanong ni Nicodemus. Sinagot ulit siya ng Panginoong Jesus pero mas lalo pang napag-isip si Nicodemus sa kanyang mga narinig.

Sinabi ni Jesus na sila ay tumitestigo sa alam nilang katotohanan at nakitang mga katotohanan pero hindi tinatanggap ng mga tao ang kanilang mga pinatotohanan. Kung sa mga simpleng bagay na Kanyang nilalahad ay hindi na sila naniniwala, paano pa kaya maniniwala ang mga tao kung Siya ay magsasalita patungkol sa mga makalangit na bagay.

At sa kahuli-hulihan sinabi pa ng Panginoon na, *Ganoon na lamang ang pag-ibig ng Diyos sa sangkatauhan na ibinigay Niya ang Kanyang bugtong na Anak, upang ang sinumang magtiwala sa Kanya ay hindi mag-perish kundi magkaroon ng buhay na walang hanggan.* Ang sinumang magtiwala kay Jesus ay hindi na huhusgahan ngunit ang mga hindi magtitiwala ay hinatulan na sapagkat hindi siya nagtiwala sa pangalan ng bugtong na Anak ng Diyos.

Activity Isulat ang **T** kung TAMA ang sinasabi ng pangungusap. At **M** naman kung mali.

1. _____ Si Nicodemus ay isang pinuno ng mga Judio, at isang Saserdote.
2. _____ Maaaring bumalik ulit sa tiyan ng kanyang Ina ang isang tao kahit siya ay matanda na.
3. _____ Kailangang maipanganak muli ang isang tao sa espiritu upang siya ay pagharian ng Diyos
4. _____ Sinabi ni Jesus ang paraan kung paano makakasama si Nicodemus sa mga pinaghaharian ng Diyos

Homework: Isulat sa isang malinis na papel kung ano-anong mga libro ang iyong binabasa.

Aralin 9 Tumulong sa Ating Kapwa

Si Aquila at Priscilla

Si Aquila na isang tunay na Judio ay napadpad sa lugar ng Corinto, kasama ang kanyang asawang si Priscilla. Naninirahan sila sa Rome ngunit, sila kasama ang iba pang mga Judio ay pinaalis dahil sa utos ng isang pinuno roon.

Ang mag-asawang Priscilla at Aquila ay manggagawa ng tolda. Nang si Paul ay mapunta sa Corinto nakilala niya ang mag-asawa at binisita niya ang mga ito. Iisa ang klase ng hanapbuhay nila kaya nagtulong-tulong sila sa paggawa ng tolda.

Kapag araw naman ng linggo si Paul ay nagtuturo ng salita ng Diyos sa mga kalapit lugar doon.

Sina Aquila at Priscilla ay isinama ni Paul ng bumalik sa Ephesus. Doon napakinggan nina Aquila at Priscilla ang isang lalaking nagngangalang Apolos, na nagtuturo rin tungkol kay Jesus.

Inimbita nila si Apolos sa kanilang tahanan at tinuruan at sinanay ng mag-asawa si Apolos tungkol sa maraming katotohanang tungkol sa tamang pamamaraan ng Diyos.

Madalas ang pagtitipon ng mga mananampalataya ay ginaganap sa tahanan ng mag-asawang Aquila at Priscilla. Ang mag-asawang ito ay sobrang nakatulong ng malaki sa buong iglesia ng Diyos at sa mga lingkod nito.

Activity Sumulat ng apat na magagandang katangian na iyong nakita sa mag-asawang Aquila at Priscilla.

1. _____
2. _____
3. _____
4. _____

Homework: (Magpatulong sa Magulang)

Alalahanin mo ang iyong mga nagawang mabuti sa iyong kapwa. At magsulat ng 4 sa mabubuting gawang ito.



Aralin 10 Alamin ang Dapat Pahalagahan

Mary at Martha

Minsan habang naglalakbay si Jesus at ang kanyang mga alagad sila ay pumasok sa isang nayon. Masaya siyang tinanggap roon ng isang babae na nagngangalang Martha sa bahay nito. Siya ay may kapatid na nagngangalang Mary. Nang marinig ni Mary na nagtuturo si Jesus, naupo siya agad sa harap ni Jesus at nakinig.

Samantala, si Martha ay naging abala sa paghahanda upang pagsilbihan si Jesus at ang Kanyang mga alagad. Wala siyang makatulong sa paghahanda. Kaya naman siya ay lumapit sa Panginoon at sinabi..



Ngunit siya ay pinagsabihan ng Panginoon,

Martha, Martha, masyado kang abala sa maraming bagay, ngunit iisang bagay ang talagang kailangan. Pinili ni Mary ang mas mabuti, at hindi ito mawawala sa kanya..

Activity Isulat sa left column ang "IN" kung ang sinasabi sa right column ay nasa ating kuwento. "OUT" kung wala naman sa kuwento.

1. Sila Jesus ay nakituloy sa bahay ni Martha.	
2. Si Martha ay natulog lang.	
3. Sinabi ni Martha "Panginoon magluto ka!"	
4. Si Mary ay naupo sa paanan ni Jesus at nakinig.	
5. Si Martha ay masyadong abala sa ibang gawain.	

Homework: Isulat sa isang malinis na papel ang 5 bagay na dapat mong unahing gawin? Magpatulong sa magulang.

Aralin 11 Maging Tapat na Kaibigan

Si Judas Iscariot

Si Judas Iscariot ay isa sa labing dalawang alagad ni Jesus. Isang araw, siya ay nakipagkita at nakipag-usap sa mga punong saserdote.

Judas Iscariot: *Ano ang ibibigay ninyo sa akin kung tutulungan ko kayong madakip si Jesus?*

Bumilang ang mga saserdote ng 30 pirasong salaping pilak. Mula noon humanap na si Judas Iscariot ng pagkakataon upang madakip nila si Jesus. Nang dumating ang Passover Feast, sinabi ni Jesus sa mga alagad, *katotohanan ang sinasabi ko, ipagkakanulo ako ng isa sa inyo. At ang bawat isa sa kanila ay nagsabing, "Hindi ako iyon, Panginoon."*

Jesus: *Ang bibigyan ko ng tinapay matapos kong isawsaw sa mangkok ang siyang magtataksil sa akin.*

Inabot ni Jesus ang tinapay kay Judas at sinabihang:

Jesus: *Gawin mo na ang dapat mong gawin.*

Umalis si Judas at nagpunta sa mga Punong Saserdote, upang ituro kung nasaan si Jesus. Iniabot nila kay Judas ang 30 piraso ng pilak at sinamahan niya sila sa Bundok ng Getsemane, kung saan matatagpuan si Jesus.

Nang mahuli na si Jesus at nakita ni Judas na si Jesus ay hinatulan na, bumalik siya sa mga Punong Saserdote. Ibinalik niya ang 30 pirasong pilak dahil nakaramdam siya ng matinding pagsisisi at inaming siya ay nagkasala.

Ibinato ni Judas ang 30 pirasong pilak sa templo. Tumakbo siyang papalabas at nagpatiwakal.

Activity Ilagay ang mga hugis na nakatapat sa mga tauhan sa mga tanong sa ibaba kung sila ang tinutukoy sa kuwento.

Jesus  Judas 

- _____ 1. Siya ang tumawag sa mga alagad.
- _____ 2. Ang taong binigyan ni Jesus ng tinapay at nagtataksil sa Kanya.
- _____ 3. Siya ay nagpatiwakal.
- _____ 4. Siya ay hinatulan ng kamatayan at ipinagbili sa halagang tatlung pirasong pilak.

Homework: Magbigay ng limang katangiang dapat meron ang magkaibigan? Isulat ito sa isang malinis na papel at ibahagi ito next week. Magpatulong sa magulang.